

UGOVOR
za javnu nabavku usluge
"Atestiranje vatrogasnih vozila za rad na visini"

I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., 71000 Sarajevo, koju zastupa direktor, Dženan Brkanić, (u daljnjem tekstu: **Ugovorni organ**), ID broj: 4200665390008 i
2. **TQM d.o.o. Institut za kvalitet, standardizaciju i ekologiju Lukavac**, ul. Modrac bb, 75300 Lukavac, koju zastupa direktor, Dževad Alić, (u daljnjem tekstu: **Dobavljač**), ID broj: 4209977290008.

U daljnjem tekstu Ugovora, kada se **Ugovorni organ i Dobavljač** navode zajednički, tj. zbirno, tada su označeni kao "**Ugovorne strane**".

II OSNOV ZA ZAKLJUČENJE UGOVORA

Osnov za zaključenje ovog Ugovora je ponuda Dobavljača, broj: 1-1200-7857/24 od 11.11.2024. godine za predmetnu uslugu, "Atestiranje vatrogasnih vozila za rad na visini".

III PREDMET UGOVORA

Član 1.

Predmet ovog Ugovora je nabavka usluge: "Atestiranje vatrogasnih vozila za rad na visini", prema specifikaciji iz obrasca za cijenu ponude, koja je sastavni dio Poziva za dostavu ponude, Ugovornog organa, broj: 06-11-1146-1/24 od 06.11.2024. godine kao i u Ponudi Izvršioca, br. 1-1200-7857/24 od 11.11.2024. godine, a dostavljena 11.11.2024. godine, koje čine sastavni dio ovog Ugovora.

Član 2.

"Atestiranje vatrogasnih vozila za rad na visini" (u daljnjem tekstu: usluga), Dobavljač je dužan isporučiti prema svojoj ponudi, te po uputstvima i zahtjevima Ugovornog organa.

IV CIJENA I NAČIN PLAĆANJA

Član 3.

Ukupna vrijednost za nabavku usluge iz člana 1 ovog Ugovora bez PDV-a iznosi: 2.700,00 KM (slovima: dvijehiljadestamstotina KM) bez uračunatog PDV-a.

PDV na ukupnu vrijednost usluge iz prethodnog stava ovog člana iznosi 459,00 KM (slovima: četiristotinepedesetdevet KM).

Ukupna vrijednost ugovorene usluge sa PDV-om iznosi 3.159,00 KM (slovima: trihiljadestotinupedesetdevet KM).

Cijena je fiksna i ne podliježe nikakvim promjenama za vrijeme trajanja Ugovora.

Član 4.

Ugovorne strane su saglasne da će Ugovorni organ iznos iz člana 3. stav 3. ovog Ugovora uplatiti Dobavljaču, nakon isporučene usluge i primljene fakture, najkasnije u roku od 10 dana, na račun broj: 1941040771600126 otvoren kod ProCredit banke.

V ROK I MJESTO ISPORUKE USLUGE

Član 5.

Dobavljač se obavezuje da će usluge iz člana 1. isporučiti u roku od 15 dana od dana obostranog potpisivanja Ugovora i na način naveden u članu 2. ovog Ugovora i to na sljedećim adresama:

1	Ispostava Centar	Fehima ef. Čurčića br. 1
2	Ispostava Vogošća	Izeta Delića br. 22
3	Ispostava Stup	Briješćanska br. 12

Član 6.

Ugovoreni rok isporuke usluge iz člana 5. ovog Ugovora, može se produžiti u slučaju:

- nastanka više sile ili drugih okolnosti koje Izvršilac nije mogao predvidjeti,
- kada ugovorne strane sporazumno produže ugovorni rok.

Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati, niti ih predvidjeti ili spriječiti.

Član 7.

Ugovoreni rok izvršenja usluge zbog nastanka više sile ili drugih okolnosti koje Dobavljač nije mogao predvidjeti može se produžiti i isti odobrava Ugovorni organ, s tim što je Dobavljač dužan da u roku od tri dana od nastanka više sile ili drugih okolnosti zbog koji ne može izvršiti svoje obaveze po ovom Ugovoru, obavijestiti Ugovorni organ.

Ukoliko Dobavljač svoje obaveze, zbog dejstva više sile ili nastanka nepredviđenih okolnosti, ne može ispuniti u dodatno ugovorenom roku iz prethodnog stava, Ugovorni organ ima pravo na raskid Ugovora.

VI UGOVORNA KAZNA

Član 8.

Ukoliko Dobavljač ne izvrši svoje obaveze u predviđenom roku dužan je da za svaki dan zakašnjenja plati ugovornu kaznu u iznosu 0,1 % od ukupne vrijednosti ugovorene cijene. Ukupna vrijednost ugovorne kazne koja se plaća ne može iznositi više od 10 % od ugovorene cijene.

Naplata ugovorne kazne od strane Ugovornog organa neće osloboditi Dobavljača obaveze da izvrši ugovor u potpunosti.

Ukoliko obračunata ugovorna kazna pređe 10 % od vrijednosti ugovora Ugovorni organ zadržava pravo da jednostrano raskine ugovor i zahtijeva isplatu ugovorne kazne.

Ugovorna kazna se obračunava od prvog dana poslije isteka ugovorenog roka izvršenja.

Obračun i naplata ugovorne kazne izvršit će se umanjenjem računa Dobavljača za vrijednost obračunate ugovorne kazne.

VII OBAVEZE UGOVORNIH STRANA

Član 9.

Dobavljač se obavezuje:

- da predmetnu uslugu atestiranja izvrši kvalitetno sa međusobno usaglašenom dinamikom u roku iz člana 5. ovog Ugovora, u skladu sa specifikacijom usluga navedenoj u svojoj ponudi, br. 1-1200-7857/24 od 11.11.2024. godine i važećim propisima, pravilima struke, zahtjevima Ugovornog organa i odredbama ovog Ugovora;
- da u cilju izvršenja ugovorenih usluga obezbijedi potrebne stručne kadrove i materijalno-tehnička sredstva;
- da po izvršenju usluzi atestiranja vozila za rad na visinama dostavi izvještaj i zapisnik o pregledu i obavljenom atestiranju prema specifikaciji usluga navedenoj u ponudi Dobavljača, br. 1-1200-7857/24 od 11.11.2024. godine.

Član 10.

Ugovorni organ se obavezuje:

- da će izvršiti uplatu ukupne cijene vrijednosti ugovorene usluge u visini i na način iz člana 3. ovog Ugovora, u roku utvrđenom u članu 4. ovog Ugovora;
- da će pismeno obavijestiti Dobavljača o svakom eventualnom propustu u odnosu na pitanja utvrđena ovim Ugovorom.

VII RASKID UGOVORA I NAKNADA ŠTETE

Član 11.

Kada jedna ugovorna strana ne ispuní svoju obavezu, druga strana može, ako nije drugačije određeno ovim Ugovorom, zahtijevati ispunjenje obaveza ili, pod uslovima predviđenim Ugovorom i ugovorenim materijalnim pravom, raskinuti Ugovor, ako raskid Ugovora ne nastupa po samom Zakonu, a u svakom slučaju ima pravo na naknadu štete.

U slučaju raskida Ugovora, ugovorne strane imaju pravo na naknadu štete koju trpe zbog kršenja Ugovora od druge ugovorne strane.

Član 12.

Ukoliko isporuka ne bude u ugovorenom roku iz člana 5. ovog Ugovora ili u dodatno ugovorenom roku iz člana 7. ovog Ugovora, Kupac zadržava pravo jednostranog raskida Ugovora.

Član 13.

Jedna od ugovornih strana je dužna u roku od tri dana obavijestiti drugu stranu o nastupanju razloga zbog kojih se ne može realizovati ovaj Ugovor.

Razlozi za raskid Ugovora mogu biti viša sila, stečaj, likvidacija ili drugi oblik prestanka postojanja Ugovornih strana.

VIII PRELAZNE I ZAVRŠNE ODREDBE

Član 14.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 15.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 16.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko to nije moguće, nadležan je Općinski sud u Sarajevu.

Član 17.

Ovaj Ugovor stupa na snagu danom njegovog obostranog potpisivanja od strane ovlaštenih predstavnika Ugovornih strana.

Član 18.


Ugovor je sačinjen u 5 (pet) istovjetnih primjerka, od kojih Ugovorni organ zadržava 3 (tri), a Dobavljač 2 (dva) potpisana i ovjerena primjerka.

**DOBAVLJAČ
TQM d.o.o.
DIREKTOR**



Broj: 2-391-8002/24
Sarajevo, 19.11.2024. godine

**UGOVORNI ORGAN
KUCZ KS
DIREKTOR**



Broj: 06-11-1146-3/24
Sarajevo, 11.11.2024. godine